

სწოლის ფურცელი

სურათებიანი დამატება

დამატების № 387.

კ304ა, 12 მარტი, 1906 წ.

გაზეთის № 3025

ბიძის

ბიძა ჩემი მკვდრით ადგა,
დატყუართით ვეფლას კაი,
თვის ანდერძი უარი ჰყო
ვაი, ვაი, ვაი, ვაი!

შეგ საფლავში უსწავლად
სარტალ-მარტალ შალაუბი,
ხან იძისის ცოცხალი ვარ,
ხან იძისის, ისევ ვეფლები!

მაგრამ რაღას მივეწოდები!
მეც ვისწავლე, განა, ჰეჰე,
განა ერთხელ, რაღაწერე
იმ ცბიერმა მომარტუმა!

მაგრამ ერთს კი რამეს გირჩევ,
ჩემო ბიძა, ჩემო კარგო,
არ გეშურე, მე რა გარე,
ნათესაო, შენ რა მარტო!

დაი, გირჩევ ორჯულ სიკვდილს
შოკვდი ერთხელ, მოისვენე,
ჩაწე საფლავს და ხელ-ფეხი
დაადუნე, დააყენე!

თორე შენ თავს ვერ უშველი
ვერც ჭაერობით და ვერც ფიქრით,
საიდანაც ამოსძვერი
ჩატყუებენ იქვე წიხლით!

ბიძა ჩემი მკვდრით ადგა,
დატყუართით ვეფლას კაი,
თვის ანდერძი უარი ჰყო,
ვაი მის თავს, ვაი, ვაი!

ი. კვდოშვილი

მეზღინება

მოთხრობა ოკტავ მირბოსა.*

(ფრანგულით).

მალე ლეშა დაბრუნდა და თავისი მეუღლე მოიყვანა. დაბალი, მსხვილი და მოღიმარე იყო ლეშას ცოლი. ასე მეგონა, თვალბრუნებით ემშვიდებოდა ეტყობოდა და გულუბრუნებოდა. თავზე უშველებელი არახინი ეხურა, ყველივით დატვირთული, შესაკერელი ლენტები მხრებზე ჩამოეშო ფრთხილად. მომეხალამა და, ცოტა არ იყოს, უკმების ხმით მიიხრა.

— მაღლობელი გახლავართ, ბატონო, დიდად მაღლობელი გახლავართ, რომ გინებებით და ჩემის ქმრის სანახავად მობრძანებულხართ... ვინ იცის რა და რა არ გიამბოთ, მაგრამ ყველაფერი როდი უნდა დაუჯეროთ! ამისთანა მოლაპტე და ბაქია ჯერ ღმერთს არ გაუჩენია... ვინც არ იცნობს, ცუდი კაცი ჰგონია, მაგრამ არც ისე იყო, როგორც კაცს

ვეგონება... მეტად ცუდი ჩვეულება აქვს, ვინ იცის, რეგბს არ მოიგონებს ხოლმე... თვითონაც არ იცის, რა მოიგონოს, როცა ტყუილების გულას გაჰყვას და ეშხა შევა, კაცი კი ვეღარ გააჩერებს...

ლეშა თავს აქნევდა, მხრებს იშმუშნინდა და თვალბრუნებით მიშვებოდა და ამით ალბად მანიშნებდა: ჩემის ცოლის მიკარგვებს ყურს ნუ უგდებ, თუ ღმერთი გწამსო.

მინდოდა ლაპარაკის საგანი გამომეცვლეინებინა და ქ.-ბატონს ლეშას ეუთხარი:

— რა საუცხოვო მამული გქონიათ!

ამოხებრით მიპასუხა:

— საუცხოვოა, მაგრამ მეტად უზარმაზარი რამაა... იცით, ვეღარ შეგეჩვიე ამ უშველებელ მამულში ცხოვრებას... შიგ კაცი იკარგება... მეც რომ იცოდეთ რამდენი ფული ჯდება ამის შენახვა... მაშინ კი არ იტყოდით საუცხოვოაო! მეც ჩემმა ქმარმა დაიჩინა, ყველაფერი მე უნდა გაგვეთო ჩემის ხელითაო... სხვებსავე კი არ მინდა მოვიტყუო... ყოველ დღე ახალ-ახალ რაღას იგონებს... ეს ორთქლის მანქანებო, ეს ესაო, ეს ისაო!... ფული კი იხარჯება ბუფეტით... გულზე ვსვდები... მეც ვიცი, რომ პურის ფასი დეცა, არავინ ყიდულობს და საზარალოა მისი თესვა. მაგრამ უბედურებაც ის არის, რომ ჩემმა ქმარმა მის ადგილას ბრინჯის თესვა შემოიღო. ჩინეთში კარგად მოდის და აქ კი რატომ არ უნდა იხაროსო. ის კი არა, სულ არ ამოვიდა. ჰო, თქვენმა მშემ, მართალს მოგახსენებთ, რაღა ბრინჯი, სხვაშიაც ასე დაგვემართა.

შეგვიდა მოსამსახურე.

— რა ჰქენი, ბიჭო, საუზმე ხომ მზათა? — ჰკითხა ქალ-ბატონმა.

მაშინათვე მომბრუნდა და მკითხა:

— რაკი დილას აქეთ გზაში ხართ, უეცრელია, მოგშივდებოდათ?... ჩვენთან საქმელი არ დაგაკლდებოდა. რაც გვექნება, იმას დასჯერდით!.. აქაო და მდიდრები ვართო, განა ჩიტის რძე უნდა მივირთვით და ქონება ვეფლანგოთ საქმელე ბისათვის... აბა წაიდეთ, ვეპოთ!.. ჩვენი სტუმარი, უეცრელია, ბურღისა მირითმევს, — ჰკითხა ქმარს.

— რატომაც არ უნდა მიირთვას, — კვერი დაჭრა ლეშამ, შემეყვანა სასადილო ოთახში და თანაც ყურში ჩამჩურჩულა:

— დისახლის ყურს ნუ უგდებ; გაუნათლებელი დედა-კაცია... ოხ, როგორ მარცხენს!..

საუზმე გულის ამრევი რამ იყო. რაც წინა დღისაგან მონარჩენები იყო, ერთმანეთში აელუფებოდა. შემწვარი ხორცის, შემწვარი ხბოს ხორცის და შემწვარისავე ქათმის ნაჭრები თხელ ღოღოში დასტურავდა. სუჭრაზე, ლეშას წინ, იდგა ექვსი თითქმის დაცარიელებული საღვინე ბოთლი. ლეშა ხან ერთ ბოთლიდან დამისხამდა კიქაში და ხანაც მეორიდან. თანაც დაეყოლებდა: კარგ ღვინოებს მხოლოდ კვირაობითა ვსვნი ან და მაშინ, როცა სტუმრები მყავსო.

ყოველწივე ნახულმა და გაგონილმა ისე გამომავტერა, რომ აღარ ვიცოდი, თავი როგორ დამეკირა, თვალწინ მედგა ბრმა ბედის წყალობით მილიონერებათ გამხდარი ცოლ-ქმარი. მათმა ყურებამ ნაღველი ამიშალა, თან გული ამირი ბინძურ და საზიზღარ სიმდიდრის სიმყარე. ამის ზედ დედათო მწარე გრძნობა კაცობრიულ სამართლიანობის ამაოე-

*) იხ. „დამატება“ № 386



ინგლისის პირველი მინისტრი... დამოუკიდებელი ბალღური ამომრჩეველები წინაშე... არ ამოიჩინებენ.



მაცდური ევა საარჩევნო ასპარეზზე.

ბისა-პროგრესისა და სოციალურ ოცნებების, რომელთაც შეჰქმნეს: ლეშა და თუთხმეტი მილიონი ლეშასი! კაცობრიობამ საუკუნოების განმავლობაში განა ამისთვის სთესა თესლი აზროვნებისა, განა ამისთვის დაანთხია ხალხმა თავსაკეთილებიდან სისხლი დაღლილ და უნაყოფო მიწაზე, რომ ლეშას ნაქურდალ, ბინძურ ოქროში ეგორავნა! სასაღილო ოთახიდან სურათსავით მოსჩანდა დახვეწილი შუენი და ლურჯად მოციქიმი ტყე და ასე მეგონა, რომ ცისცილურის ყველა კუთხიდან ხროვად მოდიან უბედურნი და გაქირვებულნი იმისთვის, რომ ვოკერდის კოშკის კედლებს შეაღწეონ სხეულის ნაწილები და შეანთხოონ ტენი მეთქი. ხმას არ ვიღებდი, კრიკა შემეკრა, სიტყვა ვერ მეპოვნა სა-თქმელად.

ერთბაშად ლეშამ წამოიძახა:

— როცა დებუტატი ვიქმნები... დიად როცა დებუტატი ვიქმნები...

აზრი აღარც დამთავრა და ჩანგალი თავზე შემოივლო, კოლმა სიბრაღით შეხედა და რამდენჯერმე მხრები შეიშმუნა.

— როცა დებუტატი იქნები, — განიმეორა ქ-მა ლეშამ... შენა და დებუტატობა... დახ... დებუტატი!.. შენმა თავის გახეთქამ!

მერე მე მომიბრუნდა, რაცა ესთქვი, კვერი დამიკარო:

— თუ ღმერთი გწამს... სისულელე არ არის ასეთ რისამე თქმა? დღემდე ეს მესამეჯერ დაიღვა ყუთი... სამივეჯერ სამას კენჭის მეთი არ ამოსვლია!.. ამის ალაგას საზოგადოებაში თავს არ გამოვეყოფდი, ჩემმა მზემ!.. თქვენ ის უნდა იეითხოთ, ეს სამასი კენჭი რა დაგვიჯდა?.. ექვსას ათასი ფრანკი ისე წავგივიდა, როგორც ეს ბოთლი გვიღვა ემანდ!.. ყველაფერი ვიანგარიშე, ვერაინ მომატყუებს!.. სწორედ ექვსასი ათასი ფრანკი, ერთი სანტიმიტი არ აკლდა.. ესე იგი, ყოველი კენჭი დაჯდა ორ ათას ფრანკად. და ამის შემდეგ კიდევ გაიძახის, ყუთი ისევ უნდა დავიღვაო!.. ვერ წარმოიდგენთ, წარსულ 14 ივლისის დღესასწაულზე რა მოიგონა... მანიფესტაცია უნდა გავმართოვო და, რაც ხეივანში ხეებია, ტოტები სულ სამფეროვნად შეაღებინა.)*

ლეშა იღიმებოდა, ხელებს იფშენებდა. მთელს სახეზე ბედნიერ კაცის კმაყოფილება გადაეფინა, როცა მოიგონეს მისი საგმირო საქმე, მისი მაღალაზროვნება. თვალებით მეკითხებოდა, ხომ მოსაწონისი კაცი ვარ, ხომ კმაყოფილი ხარ რომ გაიცანით ჩემისთანა ადამიანი?

— მე გახლავართ, რომ ასეთი აზრი დამებადა! ვაი არა აქვს ჩემს თავს! — მითხრა ლეშამ... — მხოლოდ რა ქალის საქმეა კაცების საქმეში გარევა... ქალმა რა იცის, ხალხს რო-

გორ უნდა მოეპყრას კაცი... ყური მიგდეს... ამ ხელად კი უმეველოდ ამომირჩევენ დებუტატად და ერთი სანტიმიტი ირ დამიჯდება არჩევნები... მთელი გეგმა შევადგინე არჩევნებისათვის! აი ახლავე გეტყვი წემს პლანსაც!... ჩემი თავი უნდა გამოვაცხადო, როგორც სოციალისტი-აგრონომი... მაშ! ვიტყვი, საჭირო არ არის არც ჯარი, არც სასამართლო, აღარც ხარჯთამყრეფი, ყველაფერი უნდა მოისპოს... ჩემი აზრი ასეთია. აღარც ლარიბები უნდა იყოს, ყველანი მესაკუთრებებად უნდა იქცნენ!.. არჩევნების დროს დაინახავ, რომ მართლა დიდებული პლანი მქონია შედგენილი!.. აბა მღვდლებს დაუდგებათ ცული დღე... მართალია კინადამ, დამავიწყდა, უნდა გამოვაცხადო აღარც მღვდლებია საჭირო-მეთქი!.. ამიტომ რომ, მღვდლებმა შემოშალეს ხელი არჩევნების დროს — თავისუფალი მოაზრე ხარო; ამიტომ რომ მათის ღმერთისა არაფერი მწამს!.. ვაი არა აქვს ჩემს თავს!.. აბა მაშინ ნახავენ თვალის სეირს მღვდლები, როცა ჩემს პლანს გამოვაცხადებ!..

ამ დროს ქ-ნი ლეშა წამოვარდა და შეუტია:

— ხმა ჩაიწყვიტე... მეორეჯერ არ გამაგონო მღვდლებს ძვირი და სარწმუნოების გინება! გაიგე?.. ღმერთო დიდებული, ამასთან ყოფნას და ამის ყურის გდებას ბავშვებთან ყოფნა ათასწილ სჯობია!.. ბატონო, ყურს ნუ უგდებთ, თქვენი კირიმე, არ გეგონოსთ, რომ ურწმუნო იყოს... მაგრამ როცა ვისთანმე ლაპარაკობს, ღმერთი უწყრება, თავს ვერ იკავებს, თუ ბაქიობას არ მიჰყვება... ის კი არა, ერთი ბეწო რამ რომ წამოსტკიცდეს, მაშინათვე მღვდელთან აფრენს კაცს, არიკა, ვკვები და მიშველოსო!.. ამას რო კაცმა ყური უგდოს, მღვდელი სულ აქ უნდა მვყავდეს, რომ ქვეა ასწავლოს და კარგებისა მოახსენოს! მაშ!..

ლეშას შერცხვა, მაგრამ ვითომ არც კი შეიმჩნია ქალის საყვედურები, თეფშს ტყავუნი აუტეხა, მერე ზეკერში ბუზ-ს



ეს არის ჩვენი ტოგო!

ფრენას დაუწყო ცქერა და თან უგულოდ რაღაც სიმღერა დასტუნია, მერე ჩაახველა და ერთბაშად გამოსცვლა ლაპარაკის საგანი.

*) საფრანგეთის ეროვნულ ბაირალის ფერები.



ლედი ვარეიკი, მაღალ სასოგადოების ქალი, ავითარებს მწვერულს მუშათა კანდალს სსსრკებდო.

— როგორ ვსწუხვარ, რომ ჩემს კოშკში ამ თხუთმეტის დღის წინააღმდეგ არ იყავი... კანკანი, ვითამაშე... გაჩვენებდი რა მშვენიერად ვითამაშებ! ისე ვითამაშებ, როგორც პარიზში თამაშობენ... ჰო, ჩემმა მზემ.

ესა სიტყვა და დიწყა სკამზე ქანაობა. თან ხელები წინ გაიშვირა, სათამაშოდ მომზადებულსავე.

— ეგ-ღა გაკლდა! — ამოიოხრა ცოლმა. — გერჩინა არც-კი მოგვეგონებინა! სწორედ შენი კანკანის ბრალია, რომ უპერანგებოდ დავრჩით... ბატონო, თუ ღმერთი გწამს, ერთი გავასამართლეთ. თვე ისე არ გაივლის, რომ ქალაქიდან ხალხი არ გვეწვიოს სტუმრად... ყველანი მეტად მოსიყვარულენი ბრძანდებიან არიან... მითიან მოსული ქალებიც... მეტად ბ-ნი გატინელი, ბანკში მოსამსახურე, მხიარული... ლაპარაკი არ უნდა, სადაც ისა, მაყურებულნი სიცილს ვერ იკავებენ. წარმოიდგინეთ, პიანინოზე ფეხებით უკრავს, ცხვირითაც უკრავს, რით გნებავთ, რომ არ დაუკრას, და ამასთან მშვენიერადაც უკრავს... როცა ის ჩვენთანაა, ძალზე მხიარულად ვარ... მეტის მეტი ოხუნჯია... სიტყვას, ვერ იტყვის რომ კაცს არ გაეცინოს!... სწორედ ამ ორის კვირის წინააღმდეგ გვეწვივნენ... ქალებიც მო-პყენენ... ნასადილვეს თამაშობა დაიწყეს. ნასადილვეს თამაშობა აბა ვინ გაიგონა, თქვენს ლხენას!... ცხელია, საშინ-ლად ცხელია და ყველას ოფლი ჩამორეცხდა... საშინელი სიყურებელი იყვნენ, როგორ იწურებოდნენ ოფლში... ფან-ჯრები დავადეთ... ცა ღრუბლებით დაფარა და ჰქუხდა... მშვენიერება იყო... როცა კაცი მხიარულობს, დრო შეუმჩ-ნევლად გარბის და ყველაფერი ავიწყდება... სრულებით და-გვიწყნარდა მატარებლის წასვლის დრო!... ღმერთო ჩემო! ყვე-ლა ეს ხალხი უნდა აქ დავაწვინო და ეს კი ხუმრობა საქმე არ არის-მეთქი... მართალია, ოთახები ბევრი გვაქვს, მაგრამ თექვსმეტის სულის სამყოფ ზეწრების შოვნა ცოტა ძნელი იყო... თავში ვიცემდი. საიდან რა მოგავარა-მეთქი!... ასე

ყველას ვუშოვეთ ლოგინი... ლოგინი კი ვუშოვეთ, მაგრამ ლოგინს გარდა სხვაც უნდა ავადმყოფი ხალხი... ყველას პე-რანგები სჭირდებოდა, ამიტომ რომ მათი პერანგები ისე იყო დასველებული, ისე, რომ გვეგონებოდათ სასარგებლოდ არიან ყველანი გამოსულნი... ჩემმა ქმარმა კაცებს თავისები თხოვა; მე ჩემები ქალებს ვუთხოვე... მერე მათი პერანგები ლუ-მელთან გავაფრინე გასაშრობად, მეორე დღეს მაინც ჩაიცვა-მენ-მეთქი... მეორე დღეს პერანგები მართლა რომ ყველა გამშრალი იყო, მაგრამ უნდა თქვენის თვლით გენახათ, ბა-ტონო, რასა ჰგვანდა ეს პერანგები... ჭუჭყიანი, ჭუჭყიანი, დაფარწილი, ნამდვილ მჭერების მსგავსი... შუქმდებელი იყო, ყოვლად შეუძლებელი იყო მათი ჩაცმა... ჩემმა ქმარმა დღის პერანგებიც თხოვა კაცებს... ყველანი კმაყოფილი დაბრუნ-დნენ!... მას შემდეგ ორი კვირა გავიდა, ბატონო და ერთსაც არ მოგონებია, ნათხოვარი პერანგები დაებრუნებინა!... თქვენ, რაც გნებავთ, ისა ბძანეთ, მაგრამ, ჩემი აზრით, ყველანი ცუდად მოიქცნენ... რაც უნდა ბევრი ჰქონდეს კაცს საც-ლები, თექვსმეტი პერანგის დაკლება მაინც დაანდობა...

საუბრე გათავად. „სუფრიდან წამოვდები. ლეშამ ხე-ლი ხელში გამოიყარა და საჩქაროდ გამოიყვანა — ჩემის მერყენო-ბის ნაყოფი უნდა გაჩვენოვო... ჩვენც წავიდეთ...“

რაკი ცოლს თავი დააღწია, ლეში გამხიარულდა, გამო-ცოცხლდა, ენა ამოიღდა და ბაქიობას უმატა. დიდის თხოვნი-თა მთხოვა, რაც ჩემმა ცოლმა საუბრეზე გითხრა, ერთი სი-ტყუაც არ დაიჯერათო. სინდისს გეფიცებით, თავისუფალი მოაზრე ვარ, არც ღმერთი მწამს და აღარც ეშმაკი და გული-გულში ფეხებზე მკიდია ხალხიცა, თუმცა სოციალისტი ვარ... ისიც გამანდო, რომ ქალაქში საყვარელიცა მყავს, დიდძალი ფული. ვხარჯავ მის შესანახავად და სოფლად, რაც ლამაზი ქალებია, სულ ჩემთვის გაიზდებიანო...

— საწყალი ჩემი ცოლი! — დასძინა ბოლოს, — რომ იცო-დეს, როგორ ვღალატობ! როგორ ვატყულებ ყველა ქალებს!..

დავთვლიყავთ ბოსლები, თავლები, საფრინველო, ყო-ველ ქათმის, ყოველ ძროხის სახელი სათითაოდ მითხრა; ისიც მითხრა, თუ ამა თუ ამ ფრინველს ანუ ცხოველს რა ღირსება ჰქონდა, რამდენად ღირდა. პარკზე გავლის დროს ჩამოვი-თვალა: თორმეტი ათასი ძირი საშენი მუხა მიდგასო, ფიჭვი ოცდათექვსმეტი ათასი, რცხილა ოცდა ხუთ ათას ცხრას სამოცდა თორმეტი ძირია, წაბლები კი იმდენი მიდგას, რომ დათვლაც არ შემძლავო. ბოლოს მინდვრათ გავვიდეთ.

ჩვენს თვალს წინ იშლებოდა უშველებელი ველი მოტი-ტვლებული, ვერ იზოვიდით ვერც ერთ ღერ ბალახს, ვერც ერთ ძირ ხეს. ნიადაგი გზასავით გაერთიანებული, გულმო-დგინედ იყო დავარცხნილი; ქარისაგან აყენებული მტერის ღრუბელი მზეზე თინათინებდა. მიკირდა, რომ შუაგულ ავგისტროში აღარც პურის ყანა სჩანდა სადმე და აღარც საშ-ყურა იყო დათესილი...

— ეს მინდორი სათადარიგოა მაქვს, — მითხრა ლეშამ...

— ახლავ აგისსი, რად მინდა... ხომ იცი, მე უბრალო მიწის მუშა კი არა ვარ; მე აგრონომი ვარ... ხომ იცი, რა გან-სხვავებაა განსხვავება ის არის, რომ მე ვმუშაობ, როგორც განათლებული კაცი, როგორც ეკონომისტი, როგორც მოა-ზრე და არა როგორც უბრალო ვინმე გლეხი... მაშ... გზე-დავდი, რომ ყველანი პურსა სთესავდნენ, სთესავდნენ ქერს, ქარხალს, ქვას... ამას დიდა ქუა და ცოდნა არ უნდა და გარდა ამისა, ჩვენს შორის კი დარჩეს და, რის მაქნისია ყვე-ლა ამების თესვა?!... ამასთან, ქერი, ქვაგი, ხორბალი, ქარ-ხალი რა სათვისია, ამის თესვა ყველამ იცის, დაძველებული საქმეა, ახალი შიგ არაფერი ყრია... სხვა რამეა საჭირო; განათლება, პროგრესი წინ მიდის... აქაო და, ყველანი ჩა-მორჩენილი არიანო, განა მეც, ლეშა, ვიპარდუს მამულს მღვრივით, მდიდარი, თუთმზე მდიდარის პატრონი, აგრო-ნომი-სოციალისტი, მეც სხვებსავე ჩამორჩენილი უნდა ვიყო

*) ერთნაირი ტყეა საფრანგეთში.

კაცი იმ საუკუნეს უნდა მისდევდეს ფეხ-და-ფეხ, რა საუკუნე-შიაცა სცხოვრობს... მე ახალი წესი გამოვიგონე მიწის და-სამუშაველად... ვთესავ ბრინჯს, მომავს თამბაქო, ყავა, შაქრის ლერწამი... რევოლუციაც ასეთი უნდა!.. მაგრამ შენ ეს მითხარი, ხომ გათვალისწინებული გაქვს, თუ რა მო-ჰყვება ყოველსავე ამას?... გატყობ, კარგად ვერა ხარ მიმხე-ღარი... ჩემ-მიერ შემოღებულ სისტემის წყალობით, კოლო-ნიები საჭირო არ არის, ამასთანავე, ვსვამ ომსაც!.. გაგოცა განა ჩემმა სიტყვებმა!.. აზრადაც არ მოგივიდოდა, რასაც გეუბნები, ხომ? დღეს ამას იქით საჭირო აღარ იქნება კაცი ცხრა მთას იქით გადაიკარგოს ამ ნაწარმოების საქმერად... დღეს ამას იქით ყოველსავე ამას ჩემთან იზოვის კაცი... ჩემი მამული ვოპერდუ — აი ნამდვილი კოლონიები! ინდოე-თი, ჩინეთი, აფრიკა, ტონკინი — ყოველივე ჩემთან იქნება... მხოლოდ, უნდა გამოვტყდე, ჯერ-ჯერობით არაფერი მო-დის. არა... მითხრეს: აქაური ჰავე არაფრად ვარგაო... მიჰკარავენ! ჰავე საქმისათვის საჭირო სრულებითაც არ არის... თავი და თავი — სასუქია. საცა სასუქია — იქ ყველა-ფერი კეთდება. სასუქი მჭირია და მეც ვეძებ ამ სასუქს... ერთი ქიმიკოსი მყავს და იმისთვის ტყის უკან სახლს ვაშენებ და შიგ ლაბორატორია უნდა მოვაწყუ... ეს სამი წელიწადია, სასუქის კვლევა-ძიებაშია ჩემი ქიმიკოსი... ჯერ


ვერ აღმოუჩენია, მაგრამ აღმოაჩენს კი... ამ ხნულებს რომ უყურებ, სულ ბრინჯია დათესილი, ცარიელი ბრინჯი. მხოლოდ ერთს რასმე ვფიქრობ... ფრინველები აქამდე ჰურს რომ ანადგურებდნენ, ახლა ბრინჯს დაესვენენ და მიწაში ერთი მარცვალი არ ჩასტოვებს... ასე, მგონია, ამიტომ ყველა გაფაწყვეტინე... თუ გინდა, მიმოიხედე, წამლად ერთ ჩიტს ვერ დაინახავ ჩემს მამულში... ეშმაკობა კი ვინმარე... გამო-ვაცხადე, ვინც მოკლულ ბეღურას მომიტანს, ორ სუს მი-ვსცემ-მეთქი, ბულბულისათვის ათი სუ დაენიშნე, შაშვისა-თვის თხუთმეტი და სხ. გაზაფხულზე ვინც ფრინველის ბუდეს მომიტანს კვერცხებიანად, ოც სუს ვაძლევ. ათ ვერსის მან-ძილიდან მოაქვს ბუდეები და მოკლული ფრინველები... თუ ეს აზრი კარგად გავრცელდა ხალხში, რამდენსამე წლის განმ-ვლობაში მთელს საფრანგეთში ჩიტის ხსენება აღარ იქნება. წავიდეთ... ახლა კიდევ უფრო საკვირველს რასმე გაჩვენებ.

ჯოხი ჰაერში დაატრიალა და დიდის ნაბიჯით დაიწყო სიარული ბრინჯით დათესილ ხნულებში. ხანდახან დაიკუ-ზებოდა ამოსულ ბალახის მოსაგლეჯად. რომ მოგლეჯდა, შინჯვას დაუწყებდა, მერე გადაისროდა და თანაც დაუმატებდა:


— არა, ნარი ყოფილაო.

თ. ს.

(დასასრული იქნება)



სიტუების თავისუფლება 17 ოქტომბრამდე.



სიტუების თავისუფლება 17 ოქტომბრის შემდეგ.

რედაქტორ-გამომცემელი ალ. ზ. ჯაბაძე.